



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm II. Ex literis.

[urn:nbn:de:hbz:466:1-62587](#)

dùm fictionem juris, ac si possessionem ingessus sit, juxta legem *Quamvis* 13. juncta gl. verbo. Perinde habeur. ff. *De rebus Authoritate judicis possidendis*, & clariū in Capitulo *Contingit* h. t. Ceterū expensas, & quatenus interest Actoris, Reum contumacem non fuisse, sed in tempore comparsisse, id omnino præstandum ipsi est, ut *Innoc.* hic notat, cùm id non ad pñnam pertineat, sed ad illati damni compensationem.

CAPITVLVM II. Ex literis.

PARAPHRASIS.

Inter Monachos de Etoll. & Canonicos Linconenses controversia erat, super quibusdam Ecclesiis coram judicibus à Papâ delegatis: quos Monachi (ut credibile est) monasterio incorporatas dicebant, Canonici cùm legitimè citati, se absensâissent, & ob id Monachi mittenendi essent in possessionem Ecclesiarum, Iudices tamen mitius agere volentes, possessionem earum sequestrari fecerunt, ut Canonici tædio affecti stare judicio cogerentur; postea vero cùm Monachi Ecclesiis sibi vendicare seu earum restitutionem petere pergerent, Canonicci responderunt, delegatorum Iudicium potestatem sublatam esse, eò quod ad alios judices literas impetrâissent, quæ priori rescripto derogarent; sed Alexander III. aduertit in posterioribus literis priorum nullam factam esse mentionem, neque Ecclesiis nominatim expressas, sed indistinctè positum, *super quibusdam Ecclesiis*, quare cùm malitia & dolus nemini patrocinari debeat, mandat ut non obstantibus literis posterioribus, causa secundum priorum literarum formam decidatur, & Monachis expensæ ab aduersâ parte compensentur, quos ob eorum contumaciam & moram facere debebant.

SUMMARIUM.

1. *Potest quandoque Iudex, non obstante con-*

tumacia Rei, Actorem tamen non mit-
tere in possessionem rei petiræ, sed eam se-
questrare.

2. *Sufficit quidem nonnunquam in literis po-*
sterioribus ad alios Iudices datis clasna-
la generalis, non obstantibus prioribus
litteris, ut priores ad alios Iudices data
renovata censemantur, non tamen sem-
per: & si nulla in posterioribus litteris
priorum fiat mentio, subreptitia censem-
tur.

NOTA I. Positâ contumaciâ Rei, po-
test quandoque Iudex spectatis cir-
cumstantiis Actorum non mittere in posse-
ssionem rei petiræ, sed eam sequestrare sec-
undum *Innoc.* hic, & alios apud *Imolam* n. 4.
ita tamen ut si Reus postea compareat, &
cautionem offerat de parendo iuri, atque
expensas parti læsæ restituere paratus sit,
possessionem recipiat. Arg. c. vlt. §. in aliis,
ut lite non contestata. &c docet *Panorm.* lic-
num. 13.

Quæres, quare dicitur hic, judices mi-
tius egisse (supple cum Canonicis) idque
Religionis intuitu, quod Ecclesiæ seque-
strari fecerint. *¶*. Per sequestrum, si id
fiat non usque ad exitum causæ, sed dum
contumacia durat, minus incommodi seu
præjudicii affertur possessori, quam si ipse
met aduersarius, videlicet Actor, mittatur
in possessionem rei, causâ custodiaz; hanc
autem benignitatem judices exercuerunt
intuitu Religionis, ne videlicet Religiosi
petitores nimis audiæ Ecclesiarum posse-
sioni inhibere viderentur, igitur ex hoc textu
sumitur argumentum, si Religiosi Actores
sint in judicio, mitius agendum esse cum
Reo, ita tamen ut justitia seu jus Ecclesiæ
aut communitatis non periclitetur.

Nota II. Literæ posteriores ad alios ju-
dices datae, censentur subreptitiæ, si in illis
nulla mentio fiat priorum literarum. Ita
etiam habetur in c. 3. & c. *Plerumque* 23.
de Rescript. Ratio est, quia Princeps dele-
gatam alicui causam non facile revocare
aut alteri judicii delegare solet, maximè
si causa à priore judge cœpta sit, juxta c.
Cum Monasterium 29. de re judicata. Por-
rò

re tametsi in secundis literis per quas alteri judicii causa delegatur, mentio expressa fieri debeat priorum literarum, ut reuocatae censeantur, vti bñne docet *glossa h̄ic verb. indefinitiē*. Non tamen necesse est mentionem esse specificam, quia sufficit interdum generalis, non obstantibus literis prioribus, vti Panorm. h̄ic monet *contra Imolam. n. 6.* præterquam si ex qualitate causæ, priorum literarum tenore, aliisque circumstantiis colligi possit, Principem posteriores literas cum tali clausula derogatoria daturum non fuisse, si priorum literarum specificè meminisset. *Arg. c. Super. 20. de Rescript.*

CAPITVLVM III. Causam.

PARAPHRASIS.

Si Actor porrecto libello non compareat, à judice citandus est, qui si venire contempserit, aut si se absentarit, tum procurator eius, si quem reliquit, citari debet, quod si neque is ad judicium veniat, aut si nullum procuratorem reliquerit, publicā denuntiatione seu edicto affixo ad domum eius, vel Ecclesiam, recipiantur testes partis alterius, & procedatur ad sententiam definitivam. Ita intelligunt *glossa h̄ic, Ioan. Andr. Panorm. Imola.* licet aliter *Innoc.*

SUMMARIUM.

1. Actor postquam agere cepit oblatu libello, potest à reo conuento cogi ad item prosequendam.
2. Absens, si sciatur, citari debet personaliter per literas vel nuntium: si vero nesciatur, aut ita differt, ut spectatā causa qualitate non debeat ex longinquō ciuari, nec Procuratorem ad hanc causam agendum reliquerit, affixo publico edicto citabitur.
3. Ad instantiam Rei, etiam lite nondum contestatā, duobus tamen modis procedi potest ad testimoniū receptionem, & sententiam definitivam, si Actor post oblatum libellum in comparendo, & item prosequendo contumax sit.

Nota I. Licet nemo in judicio agere cōpellatur, juxta tit. *Cod. ut nemo inuitus.* tamen postquam agere cōcepit libello porrecto, idque recessuit Reus, postulare is potest, vt litem prosequatur, idēq; absens cite tur. *Authent. qui semel. C. quomodo aut quando.*

Nota II. Si pars altera (Actor vel Reus) citanda sit, tum citatio h̄ec fieri debet personaliter per literas aut nuntiū; quod si vero latitet, ita vt nesciatur vbi sit, vel si abd̄ discesserit, siue se absentarit, tum distinguitur, vtrū procuratōrē suo loco reliquerit, hoc casu citari debet, si causa sit quæ per procuratōrem agi possit; fin autē nullus procuratōrē relictus sit, & pars litigans personaliter vocari non possit, aut saltem spēcata qualitate causæ nō debeat ex longinquō loco vocari, tum edictū citatorium ad domū eius, Ecclesiam vel curiam affigi debet. Ita colligitur ex textu isto, & c. vlt. h. t. & tradit gl. h̄ic verb. *Ad domum Panorm. n. 5. Maranta de Ordine judiciorum. p. 6. vbi de citatione. n. 82.* Adde his ex eodem Maranta, edictum publicum non tantum locū habere in casu absentie litigatoris, sed etiam in aliis v. g. si citandæ sint personæ plures aut incertæ, quarum interest ut actui intersint, v. g. si Episcopus Prelatum eleētum confirmare velit, edicto publico affixo ad Ecclesiæ valvas citare debet eos, qui se electioni opponere ve- lint. *c. vlt. de elect. in 6.* quā simili ratione denuntiationes publicæ sponsorum conjunctionem antecedere debent.

Nota III. Si actor post libellum porrectum contumax sit in comparendo ac item prosequendo, etiam eā non contestatā, si Reus poscat, procedi potest ad testimoniū receptionem, & sententiam definitivam, & quidē duobus modis, vt h̄ic *Panorm. nota n. 17.* Primō, si Reus in se assumat onus probandi injustitiā Actoris, tum vero judex ex officio supplere debet partes Actoris, citando & examinando testes, aliásq; probationes assu mendo pro causa absentis, vocatis quoq; in subsidiū amicis & consanguineis eiusdem, vti docet *Bartol. in cit. Authent. n. 13.* Secundō. Si Reus suscipiat in se onus probandi, jus ac dominium rei petitæ sibi competere, ita ut

aa 2

non